



Broj: 01/12-02-843/22
Datum: 22.04.2022. godine

Primljeno: 27-04-2022			
Org. jed.	Broj	Priloga	Vrijednost

**PREDSTAVNIČKOM DOMU
PARLAMENTA FEDERACIJE BIH**

Komisija za pitanja mladih Predstavničkog doma Parlamenta Federacije BiH (u daljnjem tekstu: Komisija) na 18. sjednici, održanoj 21.04.2022. godine razmatrala je sljedeći dnevni red:

1. Informacija o realizaciji zaključaka Komisije,
2. Prijedlog Zakona o izmjenama i dopuni Zakona o liječenju neplodnosti biomedicinski potpomognutom oplodnjom – skraćeni postupak,
3. Nacrt Zakona o izmjenama i dopunama Krivičnog zakona Federacije BiH.
4. Tekuća pitanja.

Na osnovu člana 44. a u vezi sa članom 68. Poslovnika Predstavničkog doma Parlamenta Federacije Bosne i Hercegovine, Komisija Predstavničkom domu podnosi sljedeći:

IZVJEŠTAJ

AD-1. Informacija o realizaciji zaključaka Komisije

Predsjednik Komisije informisao je članove da su zaključci Komisije doneseni na prethodnoj sjednici realizirani.

AD-2. Prijedlog Zakona o izmjenama i dopuni Zakona o liječenju neplodnosti biomedicinski potpomognutom oplodnjom – skraćeni postupak

Nakon kratkog uvodnog obrazloženje predsjednika, članovima Komisije obratila se Adisa Mehić, ovlaštena predstavnica Federalnog ministarstva zdravstva koja je detaljno obrazložila Prijedlog izmjena i dopuna Zakona o liječenju neplodnosti biomedicinski potpomognutom oplodnjom. Članovi Komisije kroz svoje diskusije pohvalili su Vladu FBiH za ovaj Zakon i izrazili nadu da njegova primjena uslijedi što prije kako bi se otklonila diskriminacija i omogućilo jednak pristup za ostvarivanje prava svim građanima. Uslijedilo je glasanje, te je konstatovano da Komisija jednoglasno podržava usvajanje Prijedloga Zakona o izmjenama i dopuni Zakona o liječenju neplodnosti biomedicinski potpomognutom oplodnjom.

AD-3. Nacrt Zakona o izmjenama i dopunama Krivičnog zakona Federacije BiH

Članovima Komisije obratio se Damir Šapina, ovlašteni predstavnik Federalnog ministarstva pravde koji je detaljno obrazložio Nacrt izmjena i dopuna Krivičnog zakona Federacije BiH. Posebno je istakao da je radna grupa zadužena za izmjene i dopune uglavnom imala zadatak da inkorporira ratificirane konvencije Vijeća Europe, prije svega Istanbulsku konvenciju- Konvencija o sprečavanju i borbi nasilja nad ženama i Lanzarot Konvenciju – konvencija o zaštiti djece od seksualnog nasilja. Također, naglasio je da će nakon usvajanja Nacrta zakona biti organizirana javna rasprava kako bi šira javnost imala priliku dati svoje komentare i prijedloge. Nakon obavljene diskusije, te dodatnih pojašnjenja i datih odgovora na postavljena pitanja članova Komisije, uslijedilo je glasanje. Komisija za pitanja mladih, jednoglasno je podržala usvajanje Nacrta izmjena i dopuna Krivičnog zakona Federacije BiH.

AD-9. Tekuća pitanja

Predsjednik Komisije je u sklopu ove tačke dnevnog reda najavio zakazivanje nove sjednice Komisije koja će biti posvećena pripremama Tematske sjednice Komisije zakazane za 24.05.2022. godine.

U skladu sa članom 53. Poslovnika Predstavničkog doma za izvjestioca je određen Eldar Čomor, predsjednik Komisije.

PREDSJEDNIK KOMISIJE
Eldar Čomor, s.r.